



## **NGROHTORJA E QYTETIT SH.A. GJAKOVË** **DISTRICT HEATING J.S.C. GJAKOVA**

Adresa: "Tirana", pn GJAKOVË, KOSOVË  
Tel & Fax: +381 (0) 390 328 329

Nr. i Biznesit: 811326471

[www.ngrohtorja.org](http://www.ngrohtorja.org)

Datë: 18.10.2023

Nr: 615

Në bazë të nenit 21 të Ligjit për Ndërmarrjet Publike nr. 03/L-087, i ndryshuar dhe plotësuar me Ligjin nr. 04/L-111 për Ndërmarrjet Publike (i publikuar në Gazetën Zyrtare me datë 30.05.2012), dhe Rregullores për Sistematizimin e vendeve të punës nr.155, si dhe Statutit të ndërmarrjes Bordi i Drejtorëve i N.P. "Ngrohtorja e Qytetit" SH.A Gjakovë, në mbledhjen e mbajtur më datë 18.10.2023, mori vendim të ri shpallë këtë:

### **K O N K U R S**

- **Pozita e punës:** Kryeshef/e Ekzekutiv/e të N.P "Ngrohtorja e Qytetit" SH.A Gjakovë
- **Kohëzgjatja e mandatit:** 3 (tre) vite, sipas Ligjit për Ndërmarrjet Publike.
- **Vendi i punës:** Gjakovë

#### **Të përgjithshme:**

Kandidati/ja për këtë vend pune duhet të jetë person me integritet, i cili/e cila i plotëson kushtet e kualifikimit dhe kriteret e pavarësisë, posedon përvojën e nevojshme profesionale dhe shkollimin e kërkuar, si dhe i plotëson kushtet tjera të kërkuara me dispozitat e ligjit për ndërmarrjet publike dhe aktet tjera pozitive relevante.

#### **Detyrat dhe përgjegjësitë kryesore të Kryeshefit Ekzekutiv (KE)**

- Organizon dhe udhëheqë me procesin e punës;
- Organizon dhe udhëheqë afarizmin e, ndërmarrjes;
- Përfaqëson para personave të tretë, ndërmarrjen;
- Nënshkruan të gjitha kontratat e ndërmarrjes;
- Kujdeset mbi realizimin e ligjshmërisë në punën e ndërmarrjes;
- Propozon bazat e politikës afariste, planin dhe programin e punës, të cilat i miraton Bordi i Drejtorëve;
- Vepron sipas qëndrimeve të dalura nga mbledhjet e Bordit të Drejtorëve;
- Ndërmerr masat e nevojshme për realizimin e politikës afariste, të planit dhe programit të punës;
- Zbaton vendimet e Bordit të Drejtorëve që kanë të bëjnë me organizimin e procesit të punës; organizimin dhe udhëheqjen me afarizmin e ndërmarrjes, përfaqësimin e ndërmarrjes dhe kujdesin për zbatimin e ligjshmërisë në punë;
- Propozon Plan Programin për organizimin e ndërmarrjes;
- Propozon Bordit hapjen e konkursit për vende të lira të punës dhe shkarkimin e punëtorëve në raste të shkeljes së ligjeve dhe Rregullores;

- Propozon në raste të veçanta edhe shkarkimin e Kryeshefit të Financave, Sekretarit dhe Zyrtarit të Brendshëm të Auditimit, në raste të moszbatimit të ligjit, rregullores dhe vendimeve të Bordit të Drejtorëve;
- Vendos mbi sistemimin e punëtorëve në punët dhe detyrat e punës dhe detyra tjera të caktuara, sipas rregullores dhe organogramit mbi sistematizimin e vendeve të punës;
- Përcjellë dhe kontrollon afarizmin në tërësi të departamenteve;
- Paraqet raportin mbi rezultatet e afarizmit të ndërmarrjes sipas llogarive vjetore;
- vendos lidhur me përgjegjësinë e punëtorëve në shkallë të parë;
- Propozon pezullimin për zbatimin e akteve dhe të vendimeve të cilat janë në kundërshtim me ligjin dhe aktet e përgjithshme të ndërmarrjes;
- Formon komisione dhe grupe punuese të përkohshme me qëllim të kryerjes së punëve të caktuara’
- lejon udhëtimet zyrtare për punëtorët e ndërmarrjes dhe personave të tjerë që angazhohen për kryerjen e punëve për ndërmarrjen;
- Kryen edhe punë të tjera të përcaktuara me Aktin e Themelimit -Statutit dhe akte tjera të përgjithshme normative të ndërmarrjes;
- Për punën e vet i përgjigjet Bordit të Drejtorëve të ndërmarrjes, “Ngrohtorja e Qytetit ” Sh.A. Gjakovë.

### **Kompensimi i Kryeshefit Ekzekutiv:**

Kompensimi dhe përfitimet e Kryeshefit Ekzekutiv do të përcaktohen në përputhje me deklaratën për politikën e kompensimit të ndërmarrjes konform Ligjit për Ndërmarrjet Publike.

### **Kushtet dhe kualifikimet e kërkuara:**

- Të ketë përgatitje superiore në fushat e: Makinerisë, Elektroteknikës, Ekonomisë, Juridik apo të tjera të ndërlidhura me aktivitetet, në të cilat vepron ndërmarrja;
- Të ketë së paku 5 vite përvojë në nivel të lartë të menaxhmentit në fushën e administrimit të biznesit, financave korporative, financa, menaxhim i thesarit, banka, konsulentë në biznes, industri ose nga një fushë tjetër e shkencës e cila ka të bëjë me veprimtarinë afariste të NP-së për së paku 5 vite, të ketë qenë kontabilist publik, jurist i kualifikuar, ose anëtar i kualifikuar i një profesioni tjetër i cili ndërlidhet ngusht me veprimtarinë afariste të NP-së;
- Të ketë shkathtësi organizative, drejtuese dhe aftësi të shkëlqyeshme të komunikimit;
- Shkathtësi të dëshmuara në punë me grupe dhe organizim të ndërmarrjes apo të ngjashme.

### **Dokumentacioni i nevojshëm për aplikim:**

- CV – në;
- Aplikacioni (merret në ndërmarrje dhe plotësohet me rastin e dorëzimit të dokumentacionit);
- Letër Motivimi;
- Dëshmi mbi kualifikimin profesional (nëse është diplomuar jashtë shtetit, të jetë e nostrifikuar diploma);
- Vërtetim mbi përvojën në punë si dhe dëshmi të tjera në bazë të kualifikimit dhe eksperiencës;
- Dokumenti që nuk jeni dënuar me vendim të formës së prerë (lëshuar nga Gjykata Themelore, jo më e vjetër se 6 muaj);
- E preferueshme njohja e gjuhës Angleze
- Deklaratë nën betim (që merret në ndërmarrje dhe plotësohet me rastin e dorëzimit të dokumentacionit).
- Kopjen e letërnjoftimit.

Konkursi mbetet i hapur 15 ditë kalendarike, përkatësisht prej datës **18.10.2023** deri më **01.11.2023 në ora 16:00/h**. Dokumentacioni i aplikantëve duhet të dorëzohet në arkivin e N.P “Ngrohtorja e Qytetit” SH.A. Gjakovë, çdo ditë pune prej orës **08:00/h – 16:00/h**, në zarf të mbyllur dhe të adresuar për Bordin e Drejtorëve të N.P “Ngrohtorja e Qytetit” SH.A Gjakovë, rr. “Behije Dashi”, p.n - Rezina.

Vetëm kandidatët e përzgjedhur në listën e shkurtër do të kontaktohen.

Ndërmarrja Publike Komunale “Ngrohtorja e Qytetit” SH.A Gjakovë, ofron mundësi të barabarta punësimi për të gjithë qytetarët e Republikës së Kosovës dhe inkurajon të gjithë femrat dhe meshkujt e të gjitha komuniteteve që i plotësojnë kriteret e konkursit që të aplikojnë.

**VËREJTJE:** Aplikacionet e dorëzuara pas afatit të caktuar dhe të pakompletuara sipas kriterëve të konkursit do të rezultojnë me diskualifikimin e menjëhershëm nga Bordi i Drejtorëve.